

太上玄靈北斗本命延生經註卷下

陰三

太上玄靈北斗本命延生經註卷下

陰三

傅洞真註

老君曰凡人性命五體悉屬本命星官之所
主掌

性者天命之謂性命者化而不易謂之命
五體者兩手兩足并頭也本命星官者謂
六十甲子所屬本命星官也凡天之所賦
人之所受皆屬本命星官之所主掌無有
差忒

本命神將

神將謂本命年月日時并胎年月日時所
臨之辰謂之胎生八位神將陰陽男女逆
順運限神將及祿馬二炁神將本命從官
符吏等神也

本宿星官

陰三

二十八宿星君本宿星有二等一曰本命
年之宿直星君假如甲子年角宿值年即
是角宿天門星君為本宿星官也又一等
禽演以定胎息命星三位主於三元三限
之數亦曰本宿星官也

常垂蔭祐主持人命使保天年

天年之限百二十年世人能奉北斗延生
經法之道者本命神將本宿星官常加庇
護主掌人命可以全其本年

凡俗無知終身不悟

凡胎濁質自無知識終身不悟此理

夫本命真官每歲六度降在人間降日為本
命限期

凡遇本命之日即為期限六十日一度一
年六度真官降在人間又本命限期者一

百二十年通爲二限六十年爲一小限百
二十年名曰大限限盡即死若違犯禁忌
伐其命年則限數促若積陽功施陰德依
科禁戒貴天命者則其限展限旣展矣命
其延矣

陰三

有南陵使者三千人

陽之所化三炁成神

北斗真君七千神將

陰之所化七炁成神

本命真官降駕衆真悉來擁護可以消災懺

罪請福延生隨力章醮福德增崇

凡降駕之日衆真並至衛護皆可上章設醮懺罪消災延生請福隨力建功增崇福德

德

其有本命限期將至自身不知不設齋醮不修香火此爲輕生迷本不貴人身天司奪祿減筭除年多致天喪

若人本命限期將至不能自知不設齋醮不持經訣不朝斗真是爲輕此生忘其本自賤其身天司必致奪祿減筭遂多天死

不能全其本年也

迷悟之者雖遇經訣懷不信心毀謗真文如此之人身謝之後淪沒三塗漂沉諸趣永失人身深可悲哀自致斯苦

人之迷誤縱遇經訣心懷不信甚至毀謗

陰三

三

身沒之後墮於三塗六趣之中永不得爲人身所謂天作孽猶可違自作孽不可活天尊慈憫雖起哀心執法有司故多宥貸

若本命之日能修齋醮善達天司一世於本命限期開轉真經廣陳供養使三生常爲男

子身富貴聰明人中殊勝

若人於此生本命之日依科禁戒看誦真經大建齋醮則三世之生皆作男身富貴聰明人中獨異

其有生身果薄雖在人中貧窮下賤縱知本命無力修崇能酌水獻花冥心望北極稽首禮拜念本命真君名號者亦不虛過本命限期皆得延生注福繫係人身災厄蠲除獲福無量

若人生在貧窮下賤雖知本命無力建功

但能酌水獻花虔心望北極稽首禮拜持
念北斗本命星君尊號者亦不虛度本命
之辰也皆得延生注福繫係人身災厄永
消而獲福無量矣

天師歡喜踊躍作禮讚歎難可得遇無上法

橋

天師受得經法歡喜讚歎以法橋爲喻者
謂法橋之度無有窮已實爲難可得遇也
老君重告天師曰世人罪福善惡皆屬天司
懺罪消災莫越修奉

世人罪福善惡皆斗神所掌若欲懺滌罪愆消穰厄難無過修齋設醮依經修奉也
遇本命生辰告身中元辰

元辰凡有二等一者以北斗七元建生為
本命星君即有左右輔弼為元辰也又陽

陰三

四

男陰女衝前一位謂之元辰陰男陽女衝
後一位謂之元辰假如子生男命貪狼為
本命星君即左輔為元辰星君子生女命
貪狼為本命星君即右弼為元辰星君也
如丑亥生男命以巨門為本命星君即右

弼爲元辰星君女命即左輔爲元辰星君也餘皆倣此二者以六十甲子爲本命星官玄靈法中稱曰本命大將軍也假如甲子生男命以辛未爲元辰星官女命以己巳爲元辰星官乙丑男命以壬午爲元辰星官女命以甲申爲元辰星官也餘皆倣此更於五子元中遁取真僞也凡遇此日此即爲元辰下降之日亦宜淨身齋戒行道誦經元辰最不可犯若生遇元辰在命一世未免其凶殃此雖天命預定亦可於

元辰下降之日懺謝之變災作福本命星君星官神將符吏君臣之位尊卑有別人皆不知也

驛馬

五福驛馬神君本命之吉神也申子辰人

陰三

五

在寅位巳酉丑人在亥位寅午戌人在申位亥卯未人在巳位以本旬所生為正位也

剝落三災九厄

此註見前文

保見今眷屬安寧

中戒經云生民熒熒各戴一星人人各有

本命星辰自有災福然大槩必隨主炁之
者一國以帝君相輔為主炁一門以家長
為主炁也主炁有道者能回易天經轉災
為福我命在我不在於天是道也能包括
天地把握陰陽所以大數不能拘陰陽不
能寇也若未能行道施功必不能逃於命
分矣年月厄會之時當期患難若或輕生
迷本不貴人身恣其三業縱其六根造業
積愆災來必重至於延累親族合門受禍
不為小矣何謂也以六親眷屬皆起於本

命之元者也且如生我者為母養我者為
父同類者為兄弟我尅者為妻財我生者
為子孫皆起我命之元也又如以本命加
生月數至生時為命宮男女逆順以次分
而行之一十二位一曰命宮二曰財帛宮
三曰兄弟宮四曰田宅宮五曰子孫宮六
曰奴僕宮七曰妻妾宮八曰疾厄宮九曰
遷移宮十曰官祿宮十一曰福德宮十二
曰相貌宮以三元四柱五行支干加而臨
之行來歲位運限所及遇災即災遇福即

福所以當先祝我本命元辰驛馬也元辰者我之神也驛馬者我之心也夫人之元辰外寄於目內藏於心目則外視於萬物心則內馳於萬機心目所馳神亦奔競故謂之元辰驛馬者馳事而不息者也人能

陰三

六

收心復照存玄靈於已則却走馬以冀內養形神胎息自固然後三尸去體九蟲消亡三災九厄何從而至在時受命百神和暢所謂眷屬安寧是也

凡有上士於本命生辰持此真文者外伏魔

精內安真性

修真之人名曰上士於本命生日持誦是經則外可以降伏魔精內可以安神養性自然得道成真矣

功霑水陸

道成之人功被舍靈飛走沉潛感受其澤善及存亡

自身得道眷屬安寧九祖七玄均蒙其惠悔過虔恭漸登妙果重立玄功證虛無道乃得聖智圓通隱顯莫測出入無道遙雲際

昇入金門與聖合真身超三界永不輪轉壽
量無窮快樂自在

人能虔恭悔過妙果玄功可登可立道也
者生化之無窮流轉之不息人之生也從
虛無而有所以神化為炁炁化為精是有

陰三

七

形也用之之道智者不施於外而施於自
己則精復化為炁炁復化為神鍊神合道
復證虛無之妙也夫神化無方謂之聖事
無不知謂之智周萬物而不知微妙玄通
深不可識是故隱顯莫測出入無逍遙

雲際昇入金門形神俱妙與道合真同歸
三清之大化無復輪轉壽量何窮逍遙無
爲元命畢矣

凡有男女於本命生辰及諸齋日清淨身心
焚香持此真文自認北極本命所屬星君隨
心禱祝善無不應災罪消除致感萬聖千真
俱來衛護

正一真人漢天師語弟子趙昇曰夫人身
有三魂一魂主命一魂主財祿一魂主災
衰又曰一魂居直本屬宿宮一魂居地府

一魂居形內七魄常居內而不散也所謂
魂屬陽動以生也魄屬陰靜鎮形也若本
命之日魂神降體就尸合同瞻視形容衰
敗壯健若三魂循環歸降不絕則生人安
穩災病不生矣若於其日清淨身心不酒

不色著新潔衣裳焚香習善更於其日眠
睡少時即魂與魄合陰與陽并道炁內隆
命根堅固若於其日嗜酒及色昏亂形體
則魂當歸時去身三步之遠取合不能穢
惡衝射魂復而往若三度昏亂魂不合魄

者則陽衰而陰旺，鬼靈得其便矣。夫鬼者陰之化也，常欲得鬼不歸，身不歸則鬼靈與陰鬼交通，陰與陰合，則五鬼旺矣。致使遊鬼衆惡，令人耽睡不醒，五體迷亂，災病俱生。將至於死，凡鬼歸而不能合體之時。

陰三

八

鬼悲而泣，鬼靈踊躍而舞，笑而歌曰：歸無我舍，歸無我舍，所以五鬼侵室而三尸狂蕩矣。三一不守真宅，虛空中黃經曰：可惜玄宮十二樓，那知反作三尸宅，豈不哀哉。夫本命之日，一年六辰三鬼六度歸身制。

禦陰鬼今邪道不侵百神交會竟安鬼正
萬烝長存不經苦惱身有光明永保長生
飛仙可蹈更能於本命始生之日諸神下
降齋戒之辰清淨身心焚香誦經認北斗
本命所屬星君隨心虔禱善念感應災罪
消除萬聖千真俱來衛護則仙道速成矣
此經所在之處千真敬禮萬聖護持魔鬼潛
消精靈伏匿世有災殃悉皆消滅
持經在心身中真聖敬重護持則魔無干
犯鬼無妖精世之災殃皆自消滅

是名北斗本命延生經訣乃修真之徑路
此經要做自己工夫名本命延生之經訣
是修真之道路也

得道逍遙皆因此經證聖成真皆因此經出
離生死皆因此經保護男女皆因此經保命

陰三

九

延年皆得自在永為身寶福壽可稱保而敬
之非人勿示

此是經訣自己工夫處小則保命延年增
添福壽大則出離生死得道逍遙證聖成
真長為身寶保之敬之勿示非人

老君說經將畢龍鶴天仙來迎還於玉京是時天師受得妙法而作是言誓願流行以傳善士若有男女受持讀誦我當與十戒仙官所在擁護於是再拜

老君而說贊曰

老君說經既竟將還玉京天師拜謝而說贊語

家有北斗經

家者非家舍之家乃吾身之家也人之五臟以心爲主心乃神之舍也家中有神謂

之家有夫心之象內虛而中藏於水水者
天一之炁北斗之精也所以人心上有七
孔以應七星下有二孔以應輔弼及有三
毫以法三台人之運心於外則神遊而逝
定心於內則神安以和至於得道飛昇亦
存乎心也所以言家有北斗經者心能修
持經法而無他動夫天心不動斡運自然
自然之道豈不大哉又人之生也北斗降
炁於心中夫心者神明之府行藏善惡之
事欲萌其心斗悉知之人之妄心可不息

乎

本命降真靈

本命真靈既降可以保命延生矣

家有北斗經宅舍得安寧

心者神之所舍形者氣之所宅人能修持

陰三

十

經法心形自然安寧

家有北斗經父母保長生

父謂玄父母謂玄母神炁之所生也心能

修持經法玄父玄母自保長生

家有北斗經諸厭化爲塵

胎穢蕩除血尸消滅人能修持經法身心
自然清淨

家有北斗經萬邪自歸正

喜怒哀懼愛惡欲七者情之邪也風寒暑
濕飢飽勞逸八者氣之邪也心能修持經
法情邪悉去而道炁長存自然歸于正真
矣

家有北斗經營業得稱情

真炁灌鍊生生不窮心能修持經法自有
生生不窮之妙道德得以稱情矣

家有北斗經闔門自康健

百關骨節浹洽真元陽丹九戶閉塞死氣
此是心能修持經法百關自然康健

家有北斗經子孫保榮盛

子孫皆起於本命之元且如生我者為母

陰三

十一

養我者為父同類者為兄弟我剋者為妻
妻生他者為子孫皆起我命之元也心能
修持經法子孫自保榮盛

家有北斗經五路自通達

心能修持經法五臟經絡真炁自然流通

暢達

家有北斗經衆惡永消滅

衆惡者羣魔也修真之士當先屏退羣魔
心能修持經法則魔障不干衆惡消滅矣
家有北斗經六畜保興生

三陰三陽化育於六脉中化爲青龍白虎
朱雀玄武勾陳滕蛇之用心能修持經法
六畜自保生全

家有北斗經疾病得痊癒

心能修持經法真炁填溢三宮疾病何由

而生

家有北斗經財物不虛耗

精血充補化而為氣氣之利用澄而為神

心能修持經法身靈只何由虛耗

家有北斗經橫事永不起

內境不出外境不入人能修持經法身心

長無雜想橫事何由起

家有北斗經長保身利貞

絲絲若存凝神太一此是心能修持經法

常保四時之吉也

老君曰善哉善哉汝可宣揚正教福利無邊
普及衆生永霑勝善

老君以天師所贊爲善申言善哉善哉者
謂至善也就戒天師宣布闡揚此經訣法
福利無窮徧及未悟之士未來之衆俾長

陰三

十二

受於利益也

天師稽首禮謝信受奉行

天師叩頭禮謝信而受之奉而行之

北斗長生聰明神呪

北斗九星 玉真仙靈 貪狼巨門 保臣長生

祿存文曲 使臣聰明 廉貞武曲 衛臣安寧
破軍輔弼 護臣身形 常居吉慶 永處福齡
注上生籍 勿落死名 神清氣爽 洞達九冥
禦邪攝鬼 羣妖摧傾 學道修真 所願遂成
九皇覆護 飛昇紫庭 臣下情無任虔禱之至
此呪或謂上古仙賢朝斗燒香之祝語也
每燒香朝斗之際以此呪祝之乃是再三
虔禱之意也舊本呪後有急急如太上律
令一句若是太上所宣以敕斗極者則不
應呪中稱臣字既已稱臣又云急急如律

令恐不合理今改作臣無任虔禱之至為
是若以此呪祝之更不須別祝願矣若是
婦人禱祝當改臣字稱作妾字

太上玄靈北斗本命延生經註卷下

陰三

十三

北斗七元金玄羽章

貪狼星君玄章第一

北斗延生回真四靈流輝下映朗達玄冥
七元紀籍名列紫瓊保身續壽永亨利貞
耳目開爽魂魄長寧攝養精炁與神同明

延生自然上昇玉清

巨門星君玄章第二

北斗保命玄靈散陳丹田通暢運合仙真
七元定籍名列紫文護身註壽福慶維新
辟除妖惡善瑞日臻去來無礙與神同輪
保命自然上昇玉宸

祿存星君玄章第三

北斗度厄高仙上靈流輝徧照內外肅清
七元錄籍名列紫庭扶身延壽祿位長亨
臟腑開朗動止咸寧光運合景與神同榮

度厄自然 上昇玉京

文曲星君玄章第四

北斗消菑 玄黃開陽 仙靈影現 明徹十方
七元掌籍 名列紫房 衛身益壽 長啓福祥
明真降祐 滌蕩凶殃 華精烝結 與神同鄉

消菑自然 上昇玉堂

廉貞星君玄章第五

北斗扶衰 真宗降靈 流霞散光 仙仗交盈
七元典籍 名列紫營 固身養壽 慶合連并
高玄接引 優游五明 駕景飛翔 與神同齡

扶衰自然 上昇玉庭

武曲星君玄章第六

北斗散禍 玄映禦空 威靈備守 妖邪絕蹤

七元注籍 名列紫彤 榮身增壽 享福無窮

仙官扶衛 步躡雲中 正真降集 與神同聰

陰三

十四

散禍自然 上昇玉宮

破軍星君玄章第七

北斗益筭 明霞散敷 流光普帀 真炁長扶

七元度籍 名列紫書 治身添壽 常處歡娛


飛仙蹈舞 遊宴玄都 徹視表裏 與神同居

益筭自然上昇玉輿


右羽章昔漢明帝於終南山親遇北斗七
真之所授也

金玄羽章真符

貪狼星子生人屬此星泰山松柏樹下生急
性食粟有厄帶此符并粟七粒




巨門星丑亥生人屬此星泰山松樹下生食
黍子有厄帶此符并黍子七粒




陰三

十五

祿存星寅戌生人屬此星泰山柏樹下生食
稻有厄帶此符并稻七粒




文曲星卯酉生人屬此星泰山柏樹下生食
小麥有厄帶此符并小麥七粒




廉貞星辰申生人屬此星泰山松樹下生食
麻子有厄帶此符并麻子七粒



武曲星巳未生人屬此星泰山桑樹下生食大豆有厄帶此符并大豆七粒



破軍星午生人屬此星泰山松樹下生食小豆有厄帶此符并小豆七粒



呪曰 呪者和也以心通天用神合炁形聲相應呪而祝之法立而有乃不疑中

天靈節榮願保長生

天靈在圓蓋之下崑崙之上謂之天谷神

穴神穴者百關之總會也人有三十九關三百六十骨節能守太玄之一者則關節

流通真炁素也人之病者關節凝帶真炁

穴和穴者百節之總會也人有三十九關節
三百六十骨節能守太玄之一者則關節
流通真炁榮也人之病者關節凝滯真炁
衰也而真炁流通則病安從生病既不生
長生可冀也神農黃帝曰百病不愈焉得

陰三

十六

長生此之謂也夫百節之衆惟舉天靈一
穴者乃百神朝宗之所得一而萬事畢矣
莊子謂之見獨黃帝謂之呼吸精炁獨立
守神太上謂之寂兮寥兮獨立而不改周
行而不怠獨者一之稱也所謂守一以資

神依神而守一者也

太玄之一守其真形

太玄之一者玄靈之寶此經之訣也夫守
玄一者可以與天地相畢壽命無窮陸辟
惡獸水辟蛟龍不畏魍魎挾毒之蟲鬼不

陰三

十七

敢進刃不敢中能守之者出行萬里入軍
旅涉大川不須擇日時起土移徙入新屋
舍皆不須按星曆而不避太歲太陰將軍
月建月耗之神年命之忌終不復置殃咎
也若在一切厄難凶惡之處守一勿怠衰

惡遠屏不敢爲害也若忽偶忘守一而爲
百鬼所害或臥而魔者出中庭視見輔星
握固守一鬼即去矣若天陰雨者但止室
內向北存思見之而矣真人曰守玄一之
法與真一同功乃先賢保命之道皆得良
驗其道當須告天盟地而後傳之今注守
玄一之道先當百日潔齋乃可候而求之
亦不過三四日可見矣見而守之時無暫
息則長生矣老子曰知其白守其黑又曰
歸根曰靜靜曰復命是也夫玄一者是我

元命真人也但坐而守之守之極靜於至
靜之中圓光之內忽見我之真形者是玄
一得之守之則不復去矣黃庭經云玄元
上一覓鬼鍊一之為物頗卒見須得至真
乃顧盼至忌死氣諸穢賤其餘應驗如前

十二之利益矣

五藏神君各保安寧

內景曰心神丹元字守靈肺神皓華字虛
成肝神龍煙字含明腎神玄明字玉嬰脾
神長在字魂庭皆在心內運天經晝夜存

之自長生三元五藏之神存之於我各保
安寧矣

急急如律令

律令者太上之敕天神地祇無不遵奉敕
其身神奉其律令而安且寧也修真之士

陰三

十八

若能急急依太上之令奉行璇璣玄一停
輪之道者則神能舉形飛昇可待矣

誦經解厄訣

先凝神叩齒端息正坐良久閉目靜思泥
九宮中有九宮九星各處一宮而坐七人

如人間道士之狀衣褐披髮二人輔弼之
服訖復存天上北斗星光燦然如見即以
舌柱上腭成仙橋一道五藏出五色之炁
五條乘橋而上橫亘斗中即呼四直使者
從橋而入斗中通告其事次見擎羊使者
陀羅使者二人如玉女之狀青衣執劔一
人捧花盤一人捧羊頭從斗中而下度橋
而過入我身中九宮之內復出一室之中
檢校都畢復入斗中良久但見斗中九皇
九人如已形中九人之服乘雲氣自橋而

下入泥丸九宮之室與我九人各相對坐
倏然形聚合為九人杳冥之際復合為一
人自泥丸宮中乘雲而下入黃庭之內端
坐而誦北斗九辰天中大神之呪七徧然
後誦經求解其厄或運式以行持任意畢

陰三

十九

復誦北斗長生聰明神呪七徧而畢則倏
然忘形良久而退則宗師臨壇口訣極有
良驗

二使者說

飛步捉神法曰北斗乃天一貴人也行法

之士當變形爲所屬貴人役二使者以治
事夫陀羅者陀者大也羅者都也斗中都
大之官也擎羊者擎者掌也羊者善也斗
中掌善之官也已丑爲天一所坐之正位
於內則陀羅使者以總諸事巳未爲天一
所出之正位在外則擎羊使者以總諸事
也執花擎羊以像而立形耳有曰擎羊非
擎羊也擎楊柳耳祭斗以柳眼代茶其神
必降此自是祭法中好樂之物非使者之
喻也大抵丑未爲天一貴人出入之位二

使者掌之則曰大吉小吉者可矣使者形容不定或仙衣如玉女之形或通天之冠如直使之狀或青赤之面髮直衝冠若力士之服或繡袍玉帶若內侍之官然執羊花仗劍不易者矣此二使者上通於天下

通於地中通於人三才六合之內有事隸於斗宮者無不總會焉大法有參斗入神元網流演九晨飛步迴元隱遁變化飛昇之法皆須二使者引導而後行之其職大矣又有無知之者曰桃花殺羊刃殺也罪

莫大焉

無以爲之者曰公之德乎

之於世也二氣之於世也

夫德者

德者

德者

德



